




Vuk'uzenzele

Uyethulelwa ngezokuThintana nokuNikela ngelWazi kukaRhulumende (GCIS) isiNdebele/English UMgwengweni 2016 UmGadangiso1



**Iimbonelelo
zikaRhulumende
zenza ipilo ibe
ngcono**

Ikhasi 5



**Amapulasi
waKwaZondi
ayasekelwa**

Ikhasi 10

**INEMIKHANGISO
YEMISEBENZI**

Kuqiniswa Ihlelo Lezamaphilo LeSewula Afrika



UNgqongqotjhe wezamaPhilo uDorh. Aaron Motsoaledi umemezele ihlelo likarhulumende lokulwa ne-HIV ne-AIDS.

Amukelani Chauke

Njengoba ilizwe leSewula Afrika liragela phambili ngokuphumelelisa ihlelo lokwelapha iNgogwana yeNtumbantonga (i-HIV) kunye neNtumbantonga (i-AIDS) ngokwayo, ihlelo elingelikhulu kinawo woke ephasini, uNgqongqotjhe wezamaPhilo uDorh. Aaron Motsoaledi umemezele amahlelo aqakathekileko anqophe ukuphakamisa ipi yokulwisa i-HIV ne-AIDS.

Ngehlelweleli, elithome ngokuvula ijima lokuhlalelwa intumbantonga elingelikhulu ukuwadelwa woke ephasini ngomnyaka wee-2010 – elabizwa ngokuthi yi-HCT- kwahlolwa amaSewula Afrika aziingidi ezili-18, ngesikhathi esiziinyanga ezili-18.

Namhlanje, aziingidi ezilitjhumu amaSewula Afrika ahlalelwa i-HIV ne-AIDS ngokwayo qobe mnyaka.

UNgqongqotjhe u-Motsoaledi umemezele ukuthi ukusukela ngoKhukhulamungu nonyaka, zoke iingulani ezine-HIV zizakuthola intatha erhobhisa ubukhali bentumbantonga, (ama-ARV), ngaphandle kokukhetha ukuthi umuntu onengogwana loyo unomthamo ongangani we-CD4.

“NgoKhukhulamungu nonyaka sizowubulala umbandela oqala isilinganiso somthamo we-CD4 osetjenziselwa ukuhlukanisa ukuthi umuntu anganikelwa intatha yama-ARV. Sizokuthoma ukuhlola nokwelapha ngokukhambisana nekombandlela emenyezelwe yiHlangano yezamaPhilo

yePhasiloke (i-WHO) ngoNobayeni nyakanye.

“Ngaphezu kwalokho, ukusukela ngoMgwengweni nonyaka sizokuthoma ukunikela abathengisi ngedini isisetjenziswa esivikela emagulweni esibizwa nge-Pre Exposure Prophylaxis (i-PreP), etjhumini lamahlelo wabathengisi ngedini, sibe sithome nangokufunda iimfundo emahlelweni wokutjengisa nokulayenza ukuthi ngiyiphi indlela ehle khulu engasetjenziswa ukubanikela i-PreP, ngaphambi kokuthatha igadango lokuvikela boke abantu abasikazi abatjha abangaphazeleka,” utjho asethula ikulumo yesabelo seemali ePalamende mhlapha.

UNgqongqotjhe ubuye wamemezela nokuthi kiyo inyanga le urhulumente uzokuhloma ijima leminyaka emithathu elinqophe ukuphungula ukutheleleka ngamagulo ebantwini abasikazi abasebatjha, nekwandiseni amathuba womnoho, kobanyana bazokuvikeleka ekuqatjhezweni madoda amadala kunabo.

“Sizokuvula ijima leminyaka emithathu eliqale amatlawana nabantazana namkha imidzidlha, beminyaka yobukhulu ehlangana keli-15 noma-24, nabantu abaduna abatheleleka ngamagulo nababatholisa abantwana,” utjho ahlathulula.

Ijimeli lizakuqothela izinto ezihlanu eziqukethekileko:

- Ukuphungula ukutheleleka ngamagulo ematlawaneni nabantazaneni;
- Ukuphungula isibalo sabentazana ababa sidisi basese bancani;
- Ukuphungula inturhu yezomseme nephathelelene nobulali bomuntu;

- Ukwenza ukuthi abantazana babe sesikoleni bebefike kwamethrikhi;
- Ukwandisela abantazana amathuba womnotho, ngaleyondlela kube kulingwa ukubalumula emkghweni wokuzwana namadoda amadala kinabo.

UNgqongqotjhe uthi lokhu kukhambisana nomnqopho womNyango wezamaPhilo wokuphumelelisa iminqopho umTlamo wokuThuthukiswa kweliZwelo (i-NDP), woku-phungula umraro wezifo, wokuthi nakufika umnyaka wee-2030 abantu sebaphila ukufika ema-70 weminyaka, newokuthi kungabe kusa-ba nomuntu omutjha ongapasi kweminyaka ema-20 onobuLwele beNtumbantonga.

“Lelijima kufuze lihlanganyelwe ngurhulumente ngokuphelela kwakhe, nomphakathi, lidoswe phambili babantu abatjha,” kutjho uNgqongqotjhe. UNgqongqotjhe uthi iijimeli lizokubiza imali emabhiliyoni amathathu wamaRandi, kanti-ke lizakukghonakaliswa yimali evela ku-PEPFAR, naku-Global Fund, naku-GIZ kunye nemi-nyangweni karhulumende.

Isibalo sabantu ababulawa yintumbantonga eSewula Afrika shele ukusukela ema-320 000 ngomnyaka wee-2010, sayokuba li-140 000 ngomnyaka wee-2014, kanti-ke isibalo samasana angenwa yingogwana ye-HIV evela kibonina shele ukusukela emasaneni azii-70 000 ngomnyaka wee-2014, sabe sayokuba ngaphasi kwee-7000 ngomnyaka wee-2015.

“Njengoba ubona, yipumelelo ebonakalako le. Kodwana-ke uzakutjheja ukuthi indima ekulu yepumelelo le ingenca yokusetjenziswa kweSayensi yeeNhlahla.

“Kubudisana-ke malungana namagadango wokuziphatha ekuphilisaneni nabanye abantu, khulu khulu ebantazanyaneni nabantazaneni beminyaka eli-15-24. Kilekoro yeminyaka yobukhulu, bazii-5 000 abantu abatheleleka ngokugula ngeveke emazweni ali-14 we-Afrika eseSewula nasePumalanga ye-Afrika -- kodwana-ke ihafu yalabantu ngabaseSewula Afrika nje kwaphela,” kuhlathulula uNgqongqotjhe.

UNgqongqotjhe ubuye wazisa nokuthi amahlelo amatjha azokubiza umnyangwakhe enye imali eyibhiliyoni yamaRandi esabelweni seemali sanonyaka, iZiko leeMali zeliZwe esele liyikhuphile, ngitjho nanyana ubujamo bomnotho bubumbi kangaka nje.

I-TB ISADOSA PHAMBILI NGOKUBULALA ABANTU

Kusenjalo, uNgqongqotjhe uthi nanyana i-HIV ne-AIDS kusese malwele amraro nje, kodwana ubuLwele besiFuba (i-TB) ngibo obuqeda abantu ngokubabulala.

Uthi nanyana abantu ababulawa yi-TB baphunguke ukusukela ema-70 000 ngomnyaka wee-2009 bayokuba ngaphasi kwee-40 000 ngomnyaka wee-2014 nje, kodwana solo

kusese ngiyo edosa phambili ngokubulala abantu kizo zoke izifo ezithelelanako elizweni lekhetheleli nephasini zombelele.

“Solo ijima lokuhlola lavulwa liSekela lika-Mengameli u-Cyril Ramaphosa ngeLanga le-TB lePhasi lOke mhlana ama-24 kuNtaka wee-2015, kulithabo kimi ukunazisa ukuthi si-phumelele ukuhlola iinkulungwana ngeenku-lungwana zabantu abasemakorweni anengozi yokuqaphazeleka, njengemajele, eemayini kunye neendaweni ezakhelene neemayini.

“Nonyakanje siqale amadorobha abunane amakhulu, la sinqophe khona ukuhlola abantu abasigidi si-1,3,” kungezelela uNgqongqotjhe. UNgqongqotjhe uthi umnyangwakhe uzokuthola umnikelo wemali emabhiliyoni wamaRandi ayi-4,2 evela ku-Global Fund, kobanyana izokulekelela ngayo emisebenzini yokulwa ne-HIV ne-TB.

IHLELONGQONDOMTJHINI ELITJHA LOKULANDELELA ITLHAYELO YESITOKO SEENHLAHLA ZOKWELAPHA

UNgqongqotjhe uthi omunye wemiraro emikhulu khulu ethuwelelisa umraro wezifo elizweni lekhetheleli kutlhayelelwa ziinhlahla.

Uthi umnyangwakhe sekusikhatjhana ulwa nalomraro. Nje urhulumente selathome ukusebenzisa ihlelo elenza ukuthi isitoko seenhlahla sihlale sibonakala emitholapilo, elibizwa ngokuthi yi-SVS.

“Leli-ke lihlelo eliphathwako, abafundiselwe umsebenzi wezamaphilo abayisebenzisela ukufoda ngayo amabhakhawudi weenhlahla bese bayarekhoda ukuthi ungangani umthamo wama-ARV, neweenhlahla zokulwa ne-TB kunye nokuthi ungangani umthamo wemijovo abanayo.

“Imininingwana le-ke isetjenziswa ngesikhathi samambala, kanti itholakala nanyana kukiyiphi indawo, ngethangelwanohlanganiso,” kukhanyisa uNgqongqotjhe.

UNgqongqotjhe uthi iimfunda ezisithandathu zinama-SVS emitholapilo engaba yi-1 900 namkha ama-60% yelizwe lokeli.

Uthi kulungiselelwa ukuthi eenyangeni ezintathu ezizako kube imitholapilo yoke ngokuphelela kwayo seliyakghona ukubikela iziko eleluse umthamo weenhlahla elizweni ukuthi kuneenhlahla ezingangani.

U m N y a n g o w e z a m a P h i l o sewuvule ihlelo lokuSabalalisa iinHlahla zeziFo ezingaLaphekiko (i-CCMDD).

“Thlelwele lenza ukuthi iingulani eziqinileko

> Iyaraga ekhasini lesi-2

OKUMUMETHWEKO

Government and citizens to interact more



Government has come up with creative ways to improve and ensure that there is constant communication with its citizens.

Amukelani Chauke

South Africans will soon experience even better interaction with government.

The Government Communication and Information System (GCIS) will spend over R300 million on programmes that will improve communication between the state and citizens, said Communications Minister Faith Muthambi when she tabled the department's Budget Vote.

The National Development Plan emphasises the need to unite South Africans around a common goal – ensuring that citizens are active in their own development and build a capable and developmental state.

"This partnership is as a result of our community outreach programme in far flung areas of our country.

"To support these outcomes, the GCIS will continue to implement programmes aimed at facilitating two-way communication between government and its citizens," she said.

The Minister explained that the partnerships would enable citizens to access information about government policies, plans, programmes and activities to promote government accountability and ensure that citizens can actively participate

in government initiatives.

"In order to fulfil this responsibility, a budget of R382.1 million has been allocated to the GCIS," she added.

GOVERNMENT THROWS ITS WEIGHT BEHIND COMMUNITY RADIO

The Minister said supporting community radio was a priority for government and urged the private sector to do the same.

"The Community Radio Support Strategy has been finalised and is being implemented. "I am pleased to inform the house that in the 2015/16 financial year the GCIS spent over R26 million on community radio advertising.

"During the 2016/17 financial year, five licensed community radio stations will be provided with broadcasting infrastructure," she said.

The Minister added that work was at an advanced stage as far as finalising the broadcasting policy review process was concerned.

She said some of the overarching and specific objectives of the review are to:

- Create a level playing field for emerging audio-visual media services.
- Protect and empower consumers (audiences), in particular to guarantee key societal values for the protection

of minors and human dignity and promote the rights of visually and or hearing impaired persons.

- Promote South African content to support social cohesion and nation building and safeguard media diversity, pluralism, freedom of expression and information.

"The department's community radio programme is working! The Greater Giyani Municipality partnered with the Giyani Community Radio Station and provided them with premises and advertising support to ensure the sustainability of the station.

"We call upon other municipalities to emulate this gesture, without compromising the editorial independence of the stations," she said.

The Minister added that the department would also continue to publish and distribute the fortnightly *Vuk'uzenzele* newspaper.

She said in the 2016/17 financial year, the department has allocated R25.8 million to produce and distribute 18.7 million copies per year in all 11 official languages.

"We will continue to encourage government departments to place recruitment advertisements in *Vuk'uzenzele*.

"I would like to thank departments that are using this platform to advertise their vacancies and I also encourage others to do so too," she said.

> Iraga isuka ekhasini loku-1

zikghone ukuyozithathela iinhlahla la zithathwa khona hlanu kwalapho zisebenza khona namkha hlanu kwalapho zihlala khona – ngaleyindlela kubulungeke isikhathi nemali.

"Linciphisa nesikhathi sokulinda emitholapilo ngokwehlisa inani leengulani ekufuze ziye emtholapilo," kuhlathulula uNgqongqotjhe u-Motsoaledi.

UNgqongqotjhe u-Motsoaledi uthi njenganje zima-400 000 iingulani ezitloliselwe ehlelweni lokuthola iinhlahla zazo eendaweni ezingaphezulu kwe-1 000 la kuthathwa khona iinhlahla; hlangana neendawezi-ke kubalwa neenqhema zokukhuthaza ukusetjenziswa kweenhlahla soke isikhathi, neendawo zepilo, nabodorhodere kunye namakhemisi wangeqadi.

Uthi umnyangwakhe ulungisela ukuthi nakuphela umnyaka weemali ophezulu lo ukube sewufike eengulani ezima-800 000.

"Kufuze siqinisekise nokuthi iinhlahla zisetjenziswa ngendlela efaneleko. Malungana nalokhu-ke, kunehlelo elibekiweko elilawula neliyikombandlela yokwelatjiswa kwabantu (i-STG).

"Nyakenye sivule ihlelo lomtjhiningqondo lokwazisa abantu ngalehlilelo lekombandlela, usukela kuma-STG wezokuthoma ukuqalelelwa kwepilo.

"Leli hlelo ngqondomtjhini litholakala mahala kizo zoke iintolo zamahlelongqondomtjhini kanti-ke lisebenza nangaphandle kwethungelelwano ukulekelela abasebenza ngezepilo eendaweni zemakhaya la kunganathungelelwana elinamandla khona namkha la lingekho khona kwasakuba khona," kungezelela

uNgqongqotjhe.

Uthi ihlelweni lilekelela ekuthathweni kweenqunto la kulatjhelwa khona iingulani. Godu ikghona nokubika la iinhlahla eziqakatheke khulu zingekho khona. Nanyana ngimuphi udorhodere kunanyana ngiyiphi indawo yezepilo nakatlolela isigulani isihlahla esithileko esiqakatheke khulu athole umbiko wokuthi asikho, angagandelela ikunujana nje kwaphela bese umbiko wokuthi isihlahleso asikho unqophaporo ePitori.

"UDorhodere akukafaneli bona athlage ngokulawula isibhedlela namkha umtholapilo ezabe seyibikile ukuthi umthamo wesihlahla esithileko wehlile, nakube indawo leyo ilawulwa kuhle.

"Ihlelongqondomtjhini eli seliphanyulwe amahlandla azii-15 000 eSewula Afrika, kuphawula uNgqongqotjhe.


Look out for the new and improved Vuk'uzenzele

Vuk'uzenzele will be celebrating its 100th edition in the next edition on 15 June. So look out for a new fresh look of *Vuk'uzenzele* SOON!

#Vuk100

Did You Know

- The newspaper is available in **Braille, Web & App**
- The 1st edition was published in: **October 2005**
- Number of copies produced: **153.75 million**
- Number of braille copies produced: **50651**
- Number of editions produced: **99**
- Publishing frequency: **Twice a month**
- Number of copies per edition: **850 000**
- Distribution: **All provinces**
- Number of households: **1 645 202**
- Reach: **5.1 million**
- Language: **All official languages**



JUNE EDITION TWO 2016



Vuk'uzenzele is also available in Braille and on: <http://www.vukuzenzele.gov.za>

Remember to follow us on:

f Vuk'uzenzele

@VukuzenzeleNews

Download App on:



IDorobha Le-Ekurhuleni Lenza Ipilo Ibe Ngcono

Nonkululeko Mathebula

IDorobha le-Ekurhuleni selenze indima ebonakalako begodu lizigcinile iinthembiso elazithembisa abantu. Lokhu-ke kuvele kuhle eKulumeni kaMeyara we-Ekurhuleni yobuJamo beDorobha la indaba yemisebenzi beyiphezulu khona khulu kilokho ebekukhulunywa ngakho.

UGungubele uveze iintjhijilo abaqalene nazo, wembula nendima yepumelelo esele yenziwe bekube khathesi, wakhuluma ngendaba yokutlhogakala kwemisebenzi esiphandeni sangekhabo, waqinisekisa izakhamuzi ukuthi urhulumente kukhona akwenzako ekulwiseni umraro wokutlhogakala kwemisebenzi, ngokunjalo godu uvula namathuba wemisebenzi.

“Emizameni yethu yokwakha imisebenzi noku-phungula ubuchaka nomtlhago wabo, sesivule amathuba wemisebenzi alinganiselwa ema-200 000 eminyakeni emihlanu edlulileko, kanti-ke ngamahlelo wekoro yombuso, sesivule amathuba ama-52 856 ngeHlelo eliNatjisiweko lemiSebenzi yesiTjhaba kunye neHlelo lemiSebenzi yomPhakathi.”

Uthi amakoro wezomnotho angabanzi enze kwakghonakala ukuthi kuvulwe eminye imisebenzi eyi-148 589 esiphandeni somnotho salendawo ngayo iminyaka emihlanu edlulileko. “Ukudlula lapho, iDorobha le-Ekurhuleni li-phumelele ukufaka abantu abatjha abazii-5 000 eenkampanini ezihlukahlukileko ngamakontra-ga wemisebenzi weminyaka emibili; ngalendlela kulingwa ukulwa nomraro wokutlhogakala komsebenzi; kodwana akukaqalwa lokho

kwaphela, ngoba ngahlanye lokhu kwenzelelwa nokuthi abantu abatjhaba bathole ithuba lokujayela iindawo zomsebenzi, ngaleyindlela bazokuqatjheka ngcono ngomuso.”

UKUHLUNYISWA KOMNOTHO WEMALOKITJHINI

Ngokukhambisana nokuvulwa kwamathuba wemisebenzi ncangepumalanga yefwanisbhege, iDorobha le-Ekurhuleni linelikwenzako ekuvuseleleni umnotho wamalokitjhi ukuqinisekisa ukuthi ayaphumelela amabhizinisi aragwa emalokitjhini.

Ukuphumelelisa lokhu, sekwakhiwe amaziko amatjha womnotho wemalokitjhini, ekubalwa hlangana nawo i-Etwatwa, i-Vosloorus, iDuduza neKwaThema; lamaziko womnotho azakudla imali ema-90 weengidi zamaRandi ngomnyaka. Amahlelo ambadlwana weengidigidi zamarandi anikelwe abosokontra-ga abasakhasako kilesisiphande, ngomnqopho wokuvulela abantu bendawo le imisebenzi.

Nasele awoke ali-128 amabhizinisi amancani naphakathi athole imali eziingidi ezintandathu zamaRandi ezakulekelela ukuphakamisa amabhizinisi la.

Lawa-ke ngamanye nje wamahlelo aragwa lidorobha le-Ekurhuleni, kanti ayingcenywe yemali eyi-R2.9 yamabhiliyoni eyabelwe ihlelo lokuhlomisa umphakathi, i-Mintirho ya Vulavula Community Empowerment Programme.

IZINDLU EZAZISAKO

UMeyara uGungubele uveze ukuqakatheka kokwenza iqiniso lokuthi abantu banendawo



eyazisako lapho bahlala khona. “Emizameni yokwakhela boke abantu bekhethu izindlu ezazisako, sakhe izindlu ezizii-112 781 ukusukela ngomnyaka we-1994 ukuyokufika ko wee-2006. “Nokho-ke kilezizindlu, ezizii-14 781 zazo zakhiwe hlangana komnyaka wee-2011 nowee-2016 ukufikela kiwo lomnyaka weemali ophezulu, ngemali ekhutjhe nguRhulumente wesiFunda. Sikhuluma nje zima-471 izindlu ezakhiwako njenganje, kilezo ezima-526 eziqothelwe ukwakhiwa. “Ngaphezu kwalokhu, sesilungise pheze iintandi ezili-124 758 ngaso lesisikhathi

Kuhlelwe Litho Likhulu Ukukhulisa ITheku

Thandeka Ngobese

Amasewula Afrika avuna iinthelo zamasiso amahle karhulumente awafake kumthangalasisekelo ngeenkolo, nangokuthola amanzi, nangokufakelwa igezi kunye nokutholakala kwemisebenzi, hlangana nokhunye.

Ukuvulwa kwemisebenzi, ukuthuthukiswa kwamakghonofundwa, ukuhlunyiswa komnotho wendawo nokuthuthukiswa komsebenzi wokwakha izindlu mahlelo aphambili erhelweni lemisebenzi ekufuze yenziwe kuMasipaladi weThekwini, kutjho uMeyera oPhetheko u-James Nxumalo nabekethula iKulumo yakhe yobuJamo beDorobha mhlapha.

UMeyara uNxumalo uthi isabelo seemali salomnyaka weemali ophezulu esiyi-R41,6 yamabhiliyoni seDorobha leThekwini sizakusetjenziselwa ukurarulula imiraro yomthangalasisekelo, neyokutlhogakala kwemisebenzi, neyokuthuthukisa amakghonofundwa, kunye neyokuhlumisa umnotho.

“Ingcenye ebonakalako yalesisabelo seemali izakusetjenziselwa ukuhlumisa umnotho wendawo. Sibekele ngeqadi imali ema-28 weengidi zamaRandi yokuthuthukisa ilokitjhi le-Hammersdale kobanyana lizokuba liziko lezomnotho,” kungezelela uNxumalo.

Amalokitjhi aqalwe ukuthuthukiswa ngilawa alandelako:

- Isipingo – iingidi ezili-R17;
- Iinzinda zeVakatjhobukelo zeMgababa – iingidi ezima-R32;
- Ukuthuthukiswa kwe-Umlazi – Isiphande sakwa-V – iingidi ezima-R20;
- IZiko lamaBubulo asaThuthukako we-Umlazi – iingidi ezili-R13;
- IsiThabathaba seeNtolo zikaMasipala weMagabheni – iingidi ezili-R10.

“Ngalesisabelo seemali, sifuna ukwenza ituthuko ebonakalako elekelela ekuvuleni imisebenzi. Sifuna idorobha elibalwa hlangana namadorobha wephasi loke ngezinga letuthuko, elizakudosa iimvakatjhibukeli, libe yindawo emnandi yokuledlha. Sifuna umnotho onamandla nobambelelako ozakuvulela ilutjha amathuba wokusebenza,” kutjho uNxumalo.

UKUVULWA KWEMISEBENZI NO-KUTHUTHUKISWA KWAMAKGHONO-FUNDWA

IDorobha leThekwini linabosomako-ntraga abamaplambara abama-943 abase-benza ngokudlhegana ukuraga imisebenzi ephathelene neyamanzi.

“Njenganje sisebenzela ukuqatjha amanye amaplambara, kobanyana sizokwazi ukuyiqeda ngesikhathi esifitjhani imisebenzi yokuplambara esiyenzako. Lawa-ke amaplambara ababekilihlo abayi-1 250 abaqatjhelwe ukusebenza imisebenzi yokuhlwengisa ngamanzi, nabanye abama-50 abazokuqatjiswa nonyaka, njengoba kuzakube kuphela eminye imakho efuna imisebenzi yokuhlwengisa ngamanzi.

“Sinanabosokontra-ga bomphakathi abama-366, abasetjenzwa babantu abayi-1 770 abathutha iinzibi. IHlelo elibizwa ngokuthi yi-Zimbabwe Poverty Alleviation Programme livule imisebenzi ezii-6 200,” kungezelela uMeyara.

IHLELO LOKUTHUTHUKISA AMA-ATHIZENI

IDorobha leThekwini lizokuthwasisa ama-athizeni ali-10 000 eminyakeni emithathu ezako le. UMeyara uNxumalo uthi lelihlelo lizokuragwa ngemali ebulungeke esikhwameni semali yokulungisa imisebenzi ehlukahlukileko.

“Ikoro yezamanzi, yezinto ezilahlwako kunye neyobunjiniyera sezibekise imali eyi-R11 yeengidi ezakusetjenziselwa ihlelweli emnyakeni weemali ozako. Umnqopho lapha kukuthi ama-athizeni enze umsebenzi wokulungisa izinto kwamasipaladi ube ngcono khulu.”

UMeyara ukhwezelela woke amaphiko anamahlelo wokulungisa ukuthi afake isandla ehlelweneli. Ihlelweli lizakuthoma ukusetjenziswa ngeengaba ngeengaba, isikhathi esiminyaka emithathu, kanti-ke ukusetjenziswa kwemali kuzakuhlukaniswa ngalendlela: I-R233 yeengidi kuzakuba ngeyomnyaka wokuthoma, i-R260 yeengidi kube ngeyomnyaka wesibili, bese kuthi i-R260 yeengidi kube ngeyomnyaka wesithathu.

UKUTHUTHUKISWA KWELUTJHA

IDorobha leThekwini labe imali eyi-R77.53 yeengidi yokuthuthukisa ilutjha kilomnyaka weemali ophezulu emahlelweni aqothele ukuthuthukisa ilutjha kuye woke umasipaladi.

esikhuluma ngaso. Bayi-124 758 abantu esele banikelwe iincwadi zobunikazi bendawo obupheleleko ngokwakhiwa kwamalokitjhi ali-112, kwanikelwa godu namanye amakhaya ama-32 544 iincwadi zobunikazi bezindlu,” kutjho uMeyara uGungubele.

Ungezelela ngokuthi i-ofisakhe isebenza ayiphumuli, ifuna ukuqeda iindawo zemikhukhu kunye nemikhukhu egcwele emajarideni wabanye abantu; lokho-ke kuzokwenziwa ngokuthi abantu banikelwe izindlu ezaneleko.

UKWANDISWA KWABANTU ABANEGEZI

UMeyara uGungubele ubeke wathi idorobha le-Ekurhuleni selikhanyisele amakhaya angaphezulu kwee-27 000 ngegezi; lawa-ke makhaya aphungulelwe iindleko ngokupheki-swa eendlekwini. Ngaphandle kwalokho, lingezelele amalerhe wesitradeni ngamanye amalerhe azii-6 972 solo kwangomnyaka wee-2011.

Kusetjenziswe enye imali eliBhiliyoni li-R1, 6 ekuphakamiseni nekuvuseleleni ithungelelwano legezi lalidorobha.

“Njengoba ithungelelwano legezi lelizwe solo liragela phambili ngokusebenza ezingeni lokukhanyisele abantu abanengi khulu nje ekhethwapha, sisebenzela nokuthi kuthi kufika umnyaka wee-2020 sibe sesiphelela igezi ema-300 wamamegawathi yegezi evuselelekako.

“Ukuze sikhone ukwenza lokhu, iDorobha le-eEkuhuleni selivule iHlelo eliziJameleko lokuPhelela iGezi, lona elizasenza sikhone ukuthola igezi evuselelekako emithonjeni ehlukahlukileko,” kutjho uMeyera.

zikantjelwe, zinobubeko bepahla esetjenziselwa leziimvande, kunezindlwana zokuphumela lapho, ngokunjalo nomthangalasisekelo wamanzi.

“Zoke iimvande zomphakathi zibuye zilekelelwe nangamathulusi. Ngokutjho kwamaPhaga wezokuLima, iziingidi ezihlanu zamaRandi imali ebekelwe umsebenzi wokuhlela, kanti-ke enye imali izakutholwa kungaphela irhubhululo lokuqala ukuthi umsebenzi ekufuze wenziwa lapho unamathuba angangani wepumelelo,” kungezelela uMeyara.

UKWAKHIWA KWEBHODULUKO LEKHWALITHI EHLE

IDorobha leThekwini labe imali eyi-R3.4 yamabhiliyoni ukusetjenziselwa umsebenzi wokwakha izindlu ukuqinisekisa ukuthi izakhamuzi zalelidorobha zithola umthangalasisekelo wezindlu owazisako nowekhwalthi ehle. “Ukwakhelwa kwabantu izindlu, nokutholakala kwezenzelwa ekuphilwa ngazo kunye nokutholakala kwezenzelwa zomphakathi kuyingcenywe yokwenzela abantu iindawo zokuhlala ezibambelelako,” kuvala uMeyara uNxumalo.

